



National Agricultural Research Institute

Sapos yu laik kisim sampela moa bilong dispela toktok  
yu ken rait ikam long:

The Research Programme Leader  
Dry Lowlands Programme - Laloki  
National Agriculture Research Institute  
PO Box 1828  
PORT MORESBY  
National Capital District  
Papua New Guinea

Telephone: (675) 323 5511  
Facsimile: (675) 323 4733  
Email: dlplaloki@global.net.pg

## BEG I BANISIM PRUT LANG



NARI TOKTOK  
LAL010P

June 2004

## **Tok igo pas**

Prut Lang em i nambawan binatang we i save bagarapim ol kain kain prut na kumu olsem yambo (guava), mango, banana, faivkona kapsicum na planti moa. Tasol yu ken karamapim ol prut wantaim niuspepa beg. Dispela beg bai banisim prut na prut lang ino nap putim kiau long prut . Ol lain long Asia i wok long usim pepa beg long karamapim prut moa long 80 yias nau na i painim olsem dispela wei i helpim ol gut tru long banisim bagarap bilong prut lang.

Em isi tru long wokim niuspepa beg na yu ino nap westim big pela moni long baim. Taim yu usim niuspepa beg em bai karamapim gut prut bilong yu na binatang bilong prut lang ino nap bagarapim.

Olsem na yu mas karamapim ol prut bilong yu wantaim niuspepa beg.

## **Ol samting yu mas igat long wokim niuspepa beg**

- Olpela niuspepa
- Bus rop o strin
- Nil na tret bilong samap o pin bilong pasim pepa

## **NARI EM WANEM**

**Nesanel Agrikalsa Rises Insitut (NARI)** em i kamap long wanpela mama lo long Nesanel Palamen blong Papua Niugini long mun Julai insait long yia 1996. NARI em wanpela blong ol han blong gavman wei bai kamapim gutpela wok painim aut long ol kainkain kaikai blong gaden, ol narapela niupela kain kaikai ol man ino save gut, ol krop blong salim, ol abus na tu lukluk long wei blong lukautim ol resos (giraun, wara, diwai) blong kantri. NARI tu save kamapim ol wok painim aut long ol sik, sekim ol gutpela na nogut marasin stap insait long ol plants na givim toksave long stretim ol dispela kain hevi. NARI save givim niupela save long wok agrikalsa insait long Papua Niugini. Ol wok NARI i kamapim em blong halpim ol liklik fama long ples.

Nambawan as tinting blong NARI em long kamapim gut wok agrikalsa insait long kantri bihain long ol wok painim aut. Long kamapim gut wok blong agrikalsa, NARI save painim aut ol gutpela wei, traim ol niupela na gutpela wei and sapos i wok, em i traim long soim ol fama manmeri. Long dispela wei, NARI laik kamapim:

- kirapim gutpela na strongim wok blong ol fama, wei blong wok didiman go stret na bai strongim agrikalsa blong nau na bihan taim,
- bai kamapim wei long kisim moni, bai kamapim gutpela kaikai na moa kaikai olgeta taim na tu bai stretim gutpela sindaun blong ol manmeri blong Papua Niugini

Dispela toktok em Annastasia Kawi iraitim.  
Piksa em PNGFFP and NARI Laloki kisim,  
Septemba 2003.

Yu ken usim plastik beg tu long karamapim ol prut bilong yu. Tasol yu mas mekim fopela o faivpela hul long sait na aninit bilong plastik beg. Dispela ol hul bai larim win long igo insait na wara long go outsait long beg.



Piksa i soim prut insait long plastik

## Wei bilong wokim beg

1. Usim tupela dabol hap niuspepa Sapos yu usim wanpela hap tasol em bai buruk hariap



2. Foldim sait na aninit bilong pepa



Sait



Aninit

3. Samapim ol sait na aninit long mak yu foldim



O Pinim ol sait na aninit long mak



### Toksave

Karamapim klinpela prut tasol. Noken karamapim liklik tru o mau prut, sapos liklik tumas prut bai ino nap gro gut. Sapos prut i mau pinis em prut lang binatang i bagarapim pinis.

Long yambo (guava) karamapim prut taim ol i yangpela yet na insait kaikai an sid i strong pinis olsem piksa i soim.



**Tumbuna pasin bilong karamapim  
banana long wan wan ples long  
Papua Niugini**



Usim banana lip o beg long karamapim banana  
prut

#### 4. Niuspepa bai luk olsem



#### Wei bilong hangamapim beg

1. Winim beg long mekim em solap olsem piksa i soim



2. Putim prut igo insait long beg



3. Taitim strong maus bilong beg wantaim bus rop o string



4. Pusim as bilong beg igo antap long wokim olsem leta "V"



Dispela bai wokim ren wara ipundaun long tupela sait bilong beg na mekim beg istap tait.

**Gutpela prut redi long kaikai**

